



Na osnovu Statuta Grada Zenica ("Službene novine Grada Zenica", broj 5/15), a u skladu sa Programom mjera za utrošak podsticajnih sredstava namijenjenih za oblast privrede u 2022. godini, usvojenim na 23. sjednici Gradskog vijeća, održanoj 26.05.2022. godine, Gradonačelnik Grada Zenica raspisuje

JAVNI POZIV

za dodjelu podsticajnih sredstava namijenjenih za oblast privrede u 2022. godini na području Grada Zenice

I. PREDMET JAVNOG POZIVA

Predmet Javnog poziva je dodjela bespovratnih podsticajnih sredstava u oblasti privrede za 2022. godinu na području grada Zenice, s ciljem unapređenja samozapošljavanja (pokretanje start up preduzeća), zapošljavanja, poboljšanja općih uslova za razvoj i konkurentnost obrta, malih i srednjih preduzeća (u daljnjem tekstu: Javni poziv).

U okviru ovog Javnog poziva realizuje se Mjera 1 Programa mjera za utrošak podsticajnih sredstava u oblasti privrede za 2022. godinu (Podsticaj za "Moj prvi biznis u Gradu Zenica – START UP").

II. SREDSTVA PODSTICAJA

Ukupno planirana sredstva namijenjena za dodjelu podsticaja po ovom Javnom pozivu iznose 141.200,00 KM.

Maksimalan iznos podsticaja po ovom Javnom pozivu je 5.000,00 KM po aplikantu.

III. PRAVO UČEŠĆA

Pravo učešća na ovom Javnom pozivu imaju mikro, mali i srednji subjekti male privrede definisani Članom 4. Stav (1), Tačka a), b) i c) Zakona o podsticanju razvoja male privrede („Službene novine Zeničko-dobojskog kantona“, broj: 7/2016), te registrovani obrtnici u skladu sa Zakonom o obrtu i srodnim djelatnostima („Službene novine Federacije BiH“, broj: 35/09 i 14/11) i to:

- koji su ili će biti registrovani kao matično preduzeće/obrt na području Grada Zenica;
- koji imaju karakter privatnog vlasništva;
- koji imaju ili će imati najmanje jednog zaposlenog;
- koji nemaju evidentiran dug prema Gradu Zenica po bilo kom osnovu;
- koji obavljaju proizvodnu, proizvodno-uslužnu i uslužnu djelatnost, kao pretežnu djelatnost;
- koji su u većinskom vlasništvu državljana BiH (minimalno 51%).



Korisnici ovog programa su i nezaposlene osobe koje se vode na evidenciji JU Služba za zapošljavanje Zeničko-dobojskog kantona - Biroa rada Zenica, a koje pokreću svoj biznis (start - up projekti) u Gradu.

Pravo učesća na podsticaj po osnovu ovog Javnog poziva **NE MOGU OSTVARITI:**

- fizička i pravna lica koja su već u 2022. godini koristila podsticajna sredstva od Grada Zenica, viših nivoa vlasti, donatorska sredstva i sl.
- fizička lica registrovana ili imaju namjeru registrovati dopunsku djelatnost;
- fizička lica koja su od Grada Zenica ostvarila podsticaj, registrovala pa odjavila djelatnost;
- subjekti koji su u posljednjih 12 mjeseci prije objave Javnog poziva obavljali istu ili sličnu djelatnost, i istu su odjavili;
- subjekti registrovani ili imaju namjeru registrovati bilo koju poljoprivrednu djelatnost (apliciraju na drugi program);
- finansijske institucije;
- subjekti registrovani ili imaju namjeru registrovati djelatnost igara na sreću i kasina;
- subjekti koji obavljaju ili imaju namjeru registrovati djelatnost trgovine (trgovačke radnje, trgovac pojedinac i sl.);
- subjekti koji obavljaju ili imaju namjeru registrovati ugostiteljsku djelatnost;
- frizerski saloni i saloni za uljepšavanje ;
- advokati i notari;
- javne i privatne ustanove;
- subjekti koji obavljaju ili imaju namjeru registrovati zdravstvenu djelatnost;
- javni prevoz stvari, putnika i autoškole.

Podsticajem je predviđeno sufinansiranje pokretanja malih biznisa, društva sa ograničenom odgovornošću, obrt-a i srodnih djelatnosti koji će izvršiti registraciju poslovnog subjekta ili koji su registraciju izvršili nakon **01.01.2022. godine.**

Aplikantima će biti osigurana edukacija iz oblasti preduzetništva koji se sastoji od 2 modula (generisanje poslovne ideje i započni svoj posao sa pisanjem poslovnog plana). Edukacija nije obavezna i provest će je Zenička razvojna agencija ZEDA d.o.o. Zenica.

IV. NAMJENA PODSTICAJNIH SREDSTAVA

Sredstva podsticaja su namjenjena za:

- subvenciju doprinosa za zaposlenu/samozaposlenu osobu za najviše 12 mjeseci poslovanja;
- kupovinu mašina, alata i opreme za obavljanje djelatnosti (polovna i nova oprema);
- kupovinu licenciranih IT programa;
- troškove registracije poslovnog subjekta (osim osnivačkog kapitala).



V. NEPRIHVATLJIVI TROŠKOVI

Podsticajna sredstva se **ne mogu** koristiti za sljedeće namjene:

- kupovina robe/proizvoda za daljnju prodaju;
- kupovina sirovine i potrošnog materijala potrebnih za obavljanje djelatnosti;
- kupovina telefonskih i mobilnih uređaja;
- zakupnina za poslovni prostor;
- oglašavanje koje provodi drugi subjekt u ime samozaposlene osobe (oglasnici, Internet);
- pretplate na časopise i stručne literature;
- edukacije održane u inostranstvu;
- troškovi stručnih i drugih ispita potrebnih za obavljanje djelatnosti;
- komorske i druge članarine;
- autorski ugovori s drugim osobama;
- trošak istraživanja tržišta;
- najam/leasing vozila i opreme;
- štampanje na reklamne predmete;
- službena putovanja;
- trošak goriva, guma, cestarina, naplate parkinga za službeno vozilo;
- troškovi održavanja, servisiranja, registracije automobila;
- troškovi premije osiguranja;
- režijski troškovi poslovnog prostora i priključci energenata;
- usluge drugih poslovnih subjekata (osim knjigovodstvenih i web usluga);
- kupovina prijevoznih sredstava za prevoz stvari i roba.

VI. OBAVEZNA DOKUMENTACIJA

Obavezna dokumentacija za prijavu na Javni poziv:

1. Zahtjev za podsticaj u svrhu samozapošljavanja/zapošljavanja (Obrazac 1);
2. Poslovni plan s pregledom troškova (Poslovni plan START UP) – uredno popunjen i potpisan od strane aplikanta;
3. Izjava da nema dugovanja prema Gradu Zenica po osnovu KGZ, KN, zakupa za poslovne prostore u vlasništvu Grada (Obrazac 2) – potpisana i ovjerena u općini ili kod notara;
4. Izjava o korištenju podsticaja (Obrazac 3) - potpisana i ovjerena u općini ili kod notara;
5. Potvrda sa JU Služba za zapošljavanje Zeničko-dobojskog kantona - Biroa rada Zenica da podnosilac prijave ima status nezaposlene osobe, ne starija od 30 dana – za **lica koja se vode na evidenciji** Biroa rada Zenica – potpisana i ovjerena;
6. Uvjerenje o izmirenim direktnim porezima (doprinosa za PIO/MIO i doprinosa za zdravstveno osiguranje) iz Porezne uprave, ne starija od 1 (jedan) mjesec – za osobe



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

koje su ranije imale ili imaju registrovan obrt ili privredno društvo (d.o.o) – original ili ovjerena kopija;

7. Obavještenje o razvrstavanju pravnog lica prema kvalifikaciji djelatnosti - za registrovana privredna društva (d.o.o.) - izdaje Federalni zavod za statistiku – Služba za statistiku za područje ZDK - original ili ovjerena kopija;
8. Rješenje o prestanku pravnog subjekta - za osobe koje su ranije imale registrovan obrt ili privredno društvo (d.o.o) – original ili ovjerena kopija.

Kandidati kojima se odobri podsticaj će biti u obavezi da prije potpisivanja ugovora dostave Uvjerenje o nevođenju krivičnog postupka protiv podnosioca prijave, aplikanta - (općinski sud).

Napomena: Po potrebi Komisija za provođenje ovog Javnog poziva ima pravo zatražiti dodatnu dokumentaciju i obrazloženje.



VII. KRITERIJI ZA BODOVANJE PRIJAVA

Red. br.	Kriterij za ocjenu	Opis	Bodovi	Maksimalan broj bodova	Izvori verifikacije
1	Vrsta djelatnosti	Proizvodna	20	20	Rješenje o registraciji, poslovni plan
		Proizvodno-uslužna	15		
		Uslužna djelatnost	10		
2	Broj novozaposlenih	3 i više	15	15	Poslovni plan, Izjava
		do 2	10		
3	Inovativnost *	Koliko je djelatnost inovativna	0-5	5	Rješenje o registraciji, Prijavni obrazac, Poslovni plan
4	Kvalitet poslovne ideje	Održivost poslovne ideje (istraženo potencijalno tržište, plan za rast, finansijski pokazatelji)	0-5	5	Poslovni plan
6	Aplikant je iz grupe osoba koje imaju prednost odabira**	Osoba na evidenciji Biroa za zapošljavanje	1	5	Potvrda JU Službe za zapošljavanje - Biro rada Zenica, kopije ličnih dokumenata
		Nezaposlena žena	2		
		Osoba mlađa od 30 godina	2		
Ukupan broj bodova				50	



*Pod inovativnošću se podrazumjeva: "Primjena novog ili značajno poboljšanog proizvoda (robe ili usluge), procesa, nove marketinške metode ili nove organizacione metode u poslovnim praksama, organizaciji radnog mjesta ili vanjskim odnosima (OECD, 2017)".

****Prednost odabira** korisnika imaju osobe koje se nalaze na evidenciji JU Službe za zapošljavanje - Biro rada Zenica, žene i aplikanti koji spadaju u grupu poduzetništva mladih.

VIII. SADRŽAJ PRIJAVE ZA UČESTVOVANJE U JAVNOM POZIVU

Prijava na Javni poziv mora biti urađena sadržajno i redosljedom, prema elementima koji se zahtijevaju. Svi dokumenti koji se predaju moraju biti u formi koja je naznačena pod obaveznom dokumentacijom.

Obrasci za prijavu na Javni poziv se mogu preuzeti na web stranici Grada Zenica: www.zenica.ba i na Infopultu Grada Zenica.

U postupku po Javnom pozivu Grada Zenica ne snosi nikakve troškove učesnika Javnog poziva, te zadržava pravo da poništi Javni poziv. Grad Zenica ne snosi odgovornost prema učesnicima Javnog poziva, u pogledu aktivnosti koje su preduzeli u cilju apliciranja.

Pitanja u vezi sa Javnim pozivom se mogu postaviti putem e maila i telefonski, najkasnije 7 dana od dana objavljivanja Javnog poziva na web stranici Grada Zenica, i to na kontakte:

- Maša Škrbić (e mail: masa.skrbic@zenica.ba , telefon: 032-447-691)
- Edina Hodžić (e mail: edina.hodzic@zenica.ba , telefon: 032-447-619)

IX. PROVOĐENJE POSTUPKA PO JAVNOM POZIVU

Postupak po Javnom pozivu provest će Komisija imenovana od strane Gradonačelnika, a koju će činiti predstavnici Službe za privredu, gradsku imovinu i upravljanje razvojem, Agencije ZEDA i Udruženja poslodavaca Zenica.

Komisija će izvršiti vrednovanje i rangiranje pristiglih prijava, te u roku od 15 dana od dana zatvaranja Javnog poziva sačiniti Preliminarnu listu kandidata koji ispunjavaju propisane uslove i istu objaviti na Oglasnoj ploči Grada Zenica i na web-stranici Grada Zenica.

Učesnici Javnog poziva u roku od 8 dana od objavljivanja Preliminarne liste na Oglasnoj ploči i web stranici Grada Zenica mogu uložiti prigovor Gradonačelniku. Po rješenju prigovora Konačna lista će se objaviti na Oglasnoj ploči i web stranici Grada Zenica.

Na osnovu Konačne liste, Grad Zenica će sa odabranim kandidatima potpisati ugovore u kojima će biti regulisana međusobna prava i obaveze.



BOSNA I HERCEGOVINA
FEDERACIJA BOSNE I HERCEGOVINE

GRAD ZENICA

U slučaju da se planirana sredstva ne utroše, Grad Zenica može ponoviti Javni poziv.

Kontrolu utroška dodijeljenih sredstava na osnovu ovog Javnog poziva vršit će Služba za privredu, gradsku imovinu i upravljanje razvojem. Ukoliko se ustanovi da se dodijeljena sredstva koriste protivno odredbama zaključenog ugovora, Grad Zenica će raskinuti isti i aplikant će imati obavezu da izvrši povrat cjelokupnog iznosa dodijeljenih sredstava.

X. NAČIN I ROK PODNOŠENJA PRIJAVA

Prijava na Javni poziv podnosi se dostavljanjem obavezne dokumentacije naznačene u Javnom pozivu u zatvorenoj koverti na Protokol Grada Zenica ili putem pošte, na adresu:

GRAD ZENICA

**Služba za privredu, gradsku imovinu i upravljanje razvojem Komisija za provođenje
Javnog poziva**

Trg BiH 6, 72 000 Zenica

sa naznakom:

**"Prijava na Javni poziv za dodjelu podsticajnih sredstava u oblasti privrede za 2022.
godinu na području Grada Zenice – NE OTVARATI"**

Rok za predaju prijave je **15 dana** od dana objavljivanja Javnog poziva na web stranici Grada Zenica. Prijave dostavljene nakon navedenog roka bit će razmatrane jedino u slučaju da poštanski žig ukazuje na datum slanja prije zvaničnog isteka roka. **Nepotpune i neblagovremene** prijave se neće uzimati u razmatranje.

Kandidati koji žele prisustvovati edukaciji dužni su popuniti obrazac „Prijavni obrazac za edukaciju (Obrazac EDUKACIJA START UP)“ i isti predati na Protokol Grada Zenica, rok za podnošenje prijave za prisustvo edukaciji je **14.10.2022. godine do 16.00 sati**.

Na poleđini koverta obavezno naznačiti ime i prezime fizičkog lica ili naziv pravnog subjekta, adresu i kontakt telefon.